



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 29. Gerardi Cameracensis Monita.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

vindictam ob occisum propinquum suum
 fumendam, armis uteretur, sed latronibus
 ignosceret. Singulis Feriis sextis cuncti in
 pane & aqua jejunarent, & in Sabbatis
 a carnibus abstinerent. Ceterum, idem
 Episcopus dicebat, hoc jejunium ad ob-
 tinendam remissionem omnium pecca-
 torum, sine omni alia pœnitentia suffe-
 cturum. Hæc omnia juramento promit-
 tere pœnitentes debere, & recusantes a
 Fidelium cœtu per gladium excommuni-
 cationis separandos esse, quos nemo in
 periculo mortis constitutos inviseret, nec
 mortuos sepeliret. Subjungit Auctor,
 plura alia tunc fuisse constituta, intole-
 rabilia, & quæ sine fastidio ne quidem
 recenseri possint.

§. XXIX.

Gerardi Cameracensis Monita.

Multi has Constitutiones receperunt,
 rei novitate magis quam æquitate
 capti; at Gerardus, Episcopus Camera-
 censis, unicus in Regno Lotharingiæ
 Francorum Regibus subjectus, nempe
 Ecclesiæ Remensis Suffraganeus, nullo
 modo eo adduci potuit, ut ista Decreta
 reciperet. Dicebat; Genus Humanum
 in rerum exordio divisum fuisse in tres
 classes, orantium, militantium, & agros
 excolentium, atque singulas mortalium
 conditiones duabus ceteris, & duas ce-

Sæculum XI.
 A. C. 1031

Sæculum XI.
A.C. 1031.

teras tertia indigere. Itaque aliqui, in-
 quiebat, arma tractent, quia quæ vi rap-
 ta fuere, vi repetenda sunt. Non est ad
 iracundiam provocandus, qui paricidam
 consanguinei sui persequitur, nec vi com-
 pellendus, ut quiescat, priusquam ei fuerit
 satisfactum, sed juxta præceptum Evan-
 gelii latroni reconciliandus. Neutiquam
 omnibus hominibus jejunium Ferie sexta
 & Sabbati injungendum, quia non omni-
 bus æquales corporis vires sunt, nec di-
 cendum, hoc jejunium pænitentiae loco
 omnibus convenire, quia variis peccato-
 ribus non eadem, sed varia pænitentiae re-
 media congruunt. Nec expedit omnibus
 promittere, se hæc opera impleturos, ne
 perjurii periculo se exponant. Tandem
 res horrore plena, homines excommunicare,
 quod his constitutionibus subjici no-
 lint, iisque ægrotantibus auxilium, atque
 mortuis sepulturæ beneficium denegare.
 Satis nobis sit, Decretis authenticis Pa-
 trum obedire, & Legum contemptoribus
 illas pænitentias, quas ipsi præscripserunt,
 injungere. (*) Huc usque Episcopi Ca-
 meracensis Monita.

Balder. lib.
III. c. 27.

Aliquot abhinc annis duo Episcopi
 ejusdem provinciæ, Beroldus Sueffio-
 nensis & Guerinus Bellovacensis, cum
 non sine dolore viderent, Roberti Regis
 imbe-

(*) Monita omnino sapientissima.

imbecillitate toti Regno ruinam immi-
nere, Leges & consuetudines patrias
contemni, & nullum Justitiæ parari præ-
sidium, se utilitati Reipublicæ servituros
crediderunt, si supra memoratas pacis
constitutiones, quod etiam Episcopi Bur-
gundiæ facturi erant, stabilirent. Hinc
consensum Gerardi Cameracensis quo-
que extorquere conabantur; sed ille, re
maturius pensata, eis suffragari noluit,
quod novo molimine Ecclesiam simul &
Regiam potestatem turbari putaret. *Re-
gum quippe est, aiebat, Seditioes suis
armis reprimere, bellorum calamitates a
populis auferre, pacem sancire. Episco-
porum vero, Reges monere, ut pro Salute
patriæ fortiter dimicent, & Deum ora-
re, ut Regibus concedat victoriam.* Ergo
ceteri Episcopi clam Gerardo subirati di-
cebant, virum esse pacis inimicum; &
randem suorum, præsertim Ledwini
Abbatis ad S. Vedastum Attrebatii, item
alterius Abbatis, nomine Rotrici, im-
portunis fatigatus precibus, prope invitus
consensit. Eventus autem docuit, quam
sapienter prius suasisset, a nemine exi-
gendum esse, ut promissionem servandi
hanc pacem juramento confirmaret;
plerique etenim, qui juraverant, teme-
re postea juramenti fidem fregerunt.

Sæculum XI.
A.C. 1031.

§. XXX.